



EN/02/April-May/2025

BELIEVERS EASTERN CHURCH

World Headquarters, St Thomas Community
Thiruvalla - 689 103, Kerala, India

NIRIKGIPANI CHITI

April/May 2025

Angni ka·sara Nirikgiparang aro pilak Rongtalgipa mondolio bebera·giparang

Pilak Ka·san, ka·sachakani Gitel Jisu Kristo jokatani na·siamng sakantina ong·china ✠. Amen.

Anga da·alo an·chingni mondolini itihaso mingsa gualna man·gijagipa obosta ong·ang giminko gisik ra·atna gita ui·atna skenga. Indake an·chingni Pagipa 1-gipa Metropolitan, Athanasius-ni jringjotna neng·takkam·na gita re·anganiko 8 May tariko gisik ra·e maniani ong·enga.

An·ching mondoliko rikengon, oe beben uni a·gilsakko wate re·angani somoio neng·nikani aro jajaaniko man·beahachim, indiba an·ching uni tangengmitingo daka kamrangko gisik ra·e manina gita cholko man·a, anga na·simang sakantikon uni tangmesoka kamrangni gimin chanchibewalaniko nangnika, jedake ua an·chingna dakmesoke tangmesokaha uko re·baenggipa chasongrangona an·ching sakantiba uko tangmesoke dangsningangna didianiko on·a. Ia daitorangko an·chingni jako ra·e kamko ka·aniara an·chingna boja ong·ja, indiba ia kamrangko gipakgenchim ong·ode, ian an·chingna saksa sakgipinna dakdike on·na namgipa chol aro rasong ong·a.

An·chingni mondoli, an·chingni Pagipa an·chingko wate re·angsogipa 1-gipa Metropolitan Athanasius Yohan-ni siani salko manina gita skanggipa changna tarienga, uni gimin ua maniano an·ching sakantian gisik ka·tong gimikko on·e bakko ra·pagipa ong·na gita nanga. An·ching mondoli ong·engon, an·chingni pagipa sagini mikjumangrangko chusokatna gita ku·cholsan ong·e Isolo bi·giparang ong·na nanga. An·chingni Pa·gipa sagi chakchikani aro bamanichi tangmesoke dakmesokangaha, uko chusokatna gita an·ching sakantian kangkareko ka·e A·gilsakni ki·tikbriona nama kattarangko gipatna gita ja·ku de·giparang ong·na nanga.

Uni gimin, anga na·simangni gisikni pagipa ong·e, an·chingni pagipa sagi Metropolitan-ni janggi tangmesokanirangko name chanchie nianiko nangnika jedakode an·ching ua sal mangmangosan ong·aigija pilak an·chingni janggi tangani salantio uni ja·chong ong·e janggi tangna gita man·gen.

- 1. Ka·sae aro jaksrame dangdike on·anirang:** An·chingni pagipa sagi kangal cha·asigiparangna, sagipa ding·gipa aro watgalaniko man·giparangna ka·tong bee kristo jekai daka uan dake ua an·tangko on·kange dangdike on·angaha. Uni gimin anga na·simangni pagipa ong·e, iako gisik ra·e manianiko dakengon, ua sal somoi mangmango ong·aigija, an·chingni bilsoka dipet kangal cha·asigiparangna aro na·simangni gittimo dakchakaniko nangenggipa manderangna dangdike on·china gita didianiko on·a.
- 2. Salantio bi·jringe tangmesokani:** An·chingni pagipa sagi dontongija Jisuni bi·ani baksa salantio bijringe janggi tangchina gita ku·patianiko on·aha. Uni gimin, hai an·ching bi·jringe janggi

tanganiko ning·tubatna, saksan bi·anio ong·ja maina, nokdangbaksa bi·anio ong·ja maina, Divine Liturgy-ko dakanio ong·ja maina, pangnan kakket aro bebeo Jisuni bi·aniko bi·jingna.

3. Mondolina aro songsalna dangdike on·ani: An·chingni pagipa sa·gi Metropolitan neng·nikgri mondoliko rikangaha. Mingsa kattako pangnan aganronga, “mondolina chanchibo” Uni gimin, hai an·ching an·chingni somoirangko on·e aro an·chingni mondoliko aro songsalko silrroatanina kamrangko ka·angkuna, indake an·ching dangdike on·na gita kam chona dala banga cholrang gnan, jekai: mondolio kamrangrango, mondolini gita a·bao kam ka·anirango aro apalo aganprakanirango dakchakaniko on·na gita man·gen.

4. Re·baenggipa chasongrangona bebera·ani dakbewalrangko ripingani: An·chingni pagipa sagi bi·sarangna ka·sabeachim aro pangnan uamangko mongsongbate ra·a. Uni gimin, hai an·ching mikkang re·baenggipa chasongrangona an·chingni Rongtalgipa Mondoliko Sunday schoolko, Youth fellowshipko, womens felowshipko aro dakrikrikbaenggipa bebera·ani dakbewalrangko ripingna bi·aniko dake name janggi tanganio tangmesokna. Uandaken an·ching, jekon an·chingni pagipa sagi an·chingko dakbadilangaha, an·chingba mikkang chasongrangona dakmesakangna aro tangmesokangna.

Angni ka·sarang, anga na·simangko knae ra·aigipa mangmang ong·aigija, dingchike dakanggiparang ong·china gita didianiko on·a. Uni gimin hai jekon an·chingni Pagipa sagi 1gipa Metropolitan Atanasius yohan tangmesoke mesokangaha uko ka·tong gimikchi daksningangna ine didian baksa ku·patianiko on·a.

Aro gisik ra·bo, an·ching pilakan Gitel Jisuko jarikna gita chugimik okamaniko man·giminrang ong·a aro an·chingni janggi tanganio an·ching gipinrangna kristoni tengsuani on·gipa ong·na gita nanga, maina kristo an·chingko Mohor su·aha. Uni gimin hai an·ching Kristo gita ong·bana jotton ka·giparang ong·na.

Uko gisik ra·ani jmgjrotna ong·china!

Gisiksano Gisik Gittamgipa; Pagipa Degipa aro Gisik Rongtalgipa, an·ching sakantiko pangnan uni chotchanggija ka·saani aro ka·sachakanichi an·chingko pangnan dilchina aro pilak Rongtalgiparang Isolni Singhasoni mikkango an·chingko chel·chakchina, da·o aro pangnan ✠. Amen.

Na·simangni pagipan ka·sani aro bi·anirang.



Moran Mor Samuel Theophilus Metropolitan

Date : 15 April 2025

Place : World Church Headquarters
